


Entrevista Exclusivo: Guy Ecker lo protagoniza un personahe "ficticio"

Alan Bridges ta hopi orguyoso di dirigi e pelicula "Bolivar The Liberator"



ORANJESTAD (AAN) -- Durante un conversacion hopi ameno DIARIO a logra di haya un entrevista exclusivo cu Sr. Alan Bridges, y cu e actor Brasileño Guy Ecker, kende tambe tin di haber cu e Proyecto Bolivar.

E Ingles, actor y director di teatro, Alan Bridges ta e director di e pelicula "Bolivar The Liberator". Den su largo trayectoria como actor y director di teatro a dirigi mas cu 50 pelicula pa cine y television, y ta worde considera como un di e directornan di cine Britanico mas briyante y prestigioso.

Den entrevista cu DIARIO el a conta cu tempo cu e tabata un hoben estudiante, na school secundario, mescos cu tur otro Europeo el a siña un concepto hopi vago di e bida y obra di Simon Bolivar. E tabata sa cu Bolivar tabata un General den "La Nueva Granada", pero no tabata tin un concepto fiho di su persona ni su mision.

El a worde invita pa participa den e "Proyecto Bolivar" door di Edgard Meinhardt, productor di e pelicula.

Bridges ta hopi orguyoso di a asumi e "challenge" di dirigi un pelicula di tal magnitud, y di a conoce e historia di Bolivar cu su personalidad solenne, y importante no pa America Latina so pero pa resto di mundo.

UN "BATAYON" DI ACTOR

"Desde e punto di bista di actornan di reparto e pelicula lo

envolve mas of menos 45 persona, pero en general, ta bay tin tanto actor cu ta necesario pa protagoniza un ehercito. Esaki kiermen di 150 pa 400 actor", Sr. Bridges a bisa.

Tocante e personahe mes di Bolivar el a menciona cu e guion ta mara na e realidad historico di e Libertador. Es decir, Bolivar como luchado y heroe pero tambe como ser humano. Pues, sin desliga e heroe di e homber cu virtud y defecto.

"Bolivar tabata un homber di hopi dimension: un poeta, un amante, un general, hopi biaha brutal, pero si nos logra di capta tur e facetanan aki dentro di e homber nos por compronde ta cual ta e heroe pasobra riba tur cos, e ta un heroe!", Bridges a acentua.

GUY ECKER: E PERSONAHE "FICTICIO"

E actor Brasileño Guy Ecker a papia cu DIARIO riba su personahe den e pelicula menciona, unda e ta bay personifica un soldat di nomber Enrique Ramirez.

"Mi ta hunga e papel di un personahe ficticio pero ken basicamente ta representa 'e soldat desconoci'", el a comenta.

Enrique Ramirez na principio ta conoce Bolivar pero sin sa exactamente ta ken e ta, ni tin idea di su campaña; sinembargo, el a yega di respeta Bolivar asina hopi cu a gana su confianza.

"E soldat aki ta bira Bolivar su vocero dilanti e ehercito y e pueblo. E personahe ta rep-

Di hecho e productor Edgar Meinhardt no tabata conoce ami, ni mi trabao, pero afortunadamente esaki a bira posible a traves di hende hopi stima pa mi, na Venezuela, cu ta conoce mi trabao den television.

Ademas, parti di e filosofia di e pelicula aki ta di integra den e elenco, den e rolnan principal, actornan Hispano pa asina e pueblo sinti su mes representa y identifica na nivel di actuacion.

Aki a surgi e conexon. E personahe y lo demas, nos ta bay dune forma conforme nos tin oportunidad di sinta hunto cu Alan Bridges pa discuti un poco mas riba e direccion di dicho personahe".

Aunke Guy Ecker a haci cine caba na Merca, ainda e no a

participa den un pelicula tan monumental manera "Bolivar el Libertador".

"Mi ta considera cu tur papel cu mi ta busca den mi carera mester ta un reto, pasobra si no, no ta bal la pena pa interpreta nan. Esaki sigur ta un reto doble, pasobra no ta solamente un personahe special den un pelicula di gran magnitud, pero ademas ta nifica mi regreso na Merca y den cine.

Esaki ta un reto grandi, pero tambe algo cu mi ta bin ta wardando for di basta tempo y pa loke mi ta preparando mi mes, for di hopi aña caba", e actor a puntualiza.

Den otro articulo, DIARIO ta amplia mas detaye, cu a ser menciona despues, durante e conferencia di prensa.